



He Aorangi

Te kaupapa: Te Taurea Pātahi, te Taurira me te Pānga

Te whenu: Te Tau me te Taurangi: Taumata 3–4

Hei whakamārama

He taurira ngohe tēnei, hei aromatawai i te mōhio o te ākonga ki te taurea pātahi, te taurira me te pānga. Mā te āta mātakitaki me te āta whakarongo a te pouako ki te mahi a te ākonga, e mōhiotia ai te taumata o te ākonga, ngā wāhi e pakari ana, me ngā wāhi hei whakapakari ake.

I ētahi wā, mā te whakawhitiwhiti kōrero, mā te paku whakamārama rānei a te pouako, e kite ai te ākonga i te rautaki, i te huarahi rānei hei whakaoti i te ngohe.

E tika ana kia taunga te ākonga ki tēnei mea te whakaoti rapanga, te wetewete i ngā kōrero me ngā tohutohu, te āta whakaaro i te rautaki e hāngai ana, me te tūhonohono anō i ngā maramara mātauranga kei roto i tōna hinengaro. Koirā te āhua o tēnei ngohe aromatawai.

Me tuku kia mahia tēnei ngohe aromatawai i muri i ngā akoranga e hāngai ana ki te taurea pātahi, te taurira me te pānga, kua e tuku mātao noa iho.

Kei ēnei pukapuka ētahi kōrero hei āwhina i te pouako:

- Te Pukapuka Tuarua o Te Poutama Tau **Te Uiui Aromatawai**. Ko ngā kōrero whānui e pā ana ki te aromatawai pāngarau.
- **Whanaketanga Pāngarau: He Aratohu mā te Pouako**. Ko ngā kōrero me ētahi taurira ngohe e hāngai ana ki ngā Whanaketanga Pāngarau.
- **Hei Tautoko i te Marautanga Pāngarau: Te Taurira me te Pānga**. Ko ngā huatau matua mō tēnei mea te taurira me te pānga.

Ngā tohutohu

Whakaaturia te kāri, ākene pea me pānui tahi me te ākonga, **kia mārama ai ngā kōrero**.

Hoatu he wā hei whakaoti mā te ākonga i ngā pātai.

Tonoa te ākonga kia whakamārama i āna mahi. Whakaahuangia ‘Te Whārangi Aromatawai mā te Pouako’, hei tuhi māu i āna whakamārama, me ō whakaaro, ō whakataunga aromatawai.

Āta tirohia ngā kōrero kei te whārangi ‘Hei Ārahi i te Aromatawai’ hei āwhina i a koe ki te whakatau i te taumata e hāngai ana ki te otinga a te ākonga. Kei tēnei whārangi te ngako o te pāngarau e hāngai ana ki tēnei ngohe, me ngā taurira whakamārama a ngā ākonga.

Me mātua mōhio te ākongā

- ki te whiriwhiri taurea pātahi
- ki ngā meka whakarea matua (tae atu ki te 10×10)
- ki te whakaatu tauira ki te tūtohi
- ki te whakamahi rautaki taurangi hei whiriwhiri i te huānga o tētahi tauira

Ngā kupu pāngarau e hāngai ana

hauwhātanga, tauira, taurea pātahi, torotika, tūtohi

Ngā kupu e hāngai ana ki te horopaki

amio, aorangi

Ngā rauemi

- te kāri ngohe

Ētahi ngohe whakaako e hāngai ana

Hei Tautoko i te Marautanga Pāngarau: Te Tauira me te Pānga

He Ngohe Whakaako i te Tauira me te Pānga:

- Te Taurangi me te Whārite (wh.79)
- Whiriwhiria te Huānga o te Tauira Tāruarua (wh.85)
- Ngā Whakaaturanga Pānga (wh.87)

He Tūhuratanga: Te Tauira me te Pānga:

- Te Raupapa Tapaono (wh.163)
- Te Hanga Poro Tapawhā Hāngai (wh.164)
- Tohaina te Pūtea (wh.165)
- Taitapa Pikitia (wh.166)

He tauira pātai hei kukume whakaaro

- Whakamāramahia ngā mahi i oti i a koe i tō hinengaro. He aha tō mahi tuatahi? He aha tō mahi tuarua?
- He aha koe i whiriwhiri ai i tēnā i te tuatahi?
- E mōhio ana koe ki tētahi atu rautaki hei whakaoti i tēnā pātai?
- Me pēhea te whakaatu i ngā tau e oti ai ngā amiotanga o ngā aorangi ki te tūtohi?

Hei Ārahi i te Aromatawai

He Aorangi: Taumata 3-4

Te pātai	He tauira whakautu a te ākonga me te taumata whanaketanga e tohua ana										
1. Kei te tika, kei te hē rānei tēnei kōrero? I te paunga o te 7 tau, kua hoki mai te aorangi 'A' ki te wāhi e whakaaturia ana i te pikitia.	Ka tautohua ngā tau 3, 6, 9, e hoki ai te aorangi 'A' ki te wāhi e whakaaturia ana. 3a (Te Taurira me te Pānga) → Ka tautohua ko ngā taurea o te 3 (ko ngā tatauranga mawhiti o te 3 rānei) ngā tau e hoki ai te aorangi 'A' ki te wāhi e whakaaturia ana. 3e (Te Taurira me te Pānga) →										
2. Kei te tika, kei te hē rānei tēnei kōrero? I te paunga o te 132 tau, kua hoki mai te aorangi 'E' ki te wāhi e whakaaturia ana i te pikitia.	Ka whakamahia he rautaki wāwāhi tau hei whiriwhiri ko te 132 hei taurea o te 6. Hei tauira: $132 \div 2 = (130 \div 2) + (2 \div 2) = 65 + 1 = 66$, he taurea te 66 nō te 6, nō reira, he taurea hoki te 132. 3e (Te Tau) → (Kaupae 6) $132 \div 6 = (120 \div 6) + (12 \div 6) = 22$, nō reira, he taurea te 132 nō te 6. 4a (Te Tau) → (Kaupae 7)										
3. Kei tēhea hauwhātanga o te rangi te aorangi 'A' i te paunga o te 2 tau?	Ka tuhia he porowhita me te whakaatu i āna hauwhātanga. Ka haurutia te porowhita hei whakaatu i ngā tau. 2e (Te Tau) → (Kaupae 5) Ka haurutia te 3, me te whakahaurua anō i tērā hei whiriwhiri i ngā hauwhātanga: $\frac{3}{4}$, $1\frac{1}{2}$, $2\frac{1}{4}$, 3. 3a (Te Tau) → (Kaupae 6) Ka whakawehea te 3 ki te 4, ka $\frac{3}{4}$, me te whakarea i tērā ki te 3, ka $2\frac{1}{4}$. 3e (Te Tau) → (Kaupae 6)										
4. Kei te tika, kei te hē rānei tēnei kōrero? I te paunga o te 57 tau, kei te hauwhātanga tuatahi te aorangi 'I'.	Ka tuhia tētahi tūtohi, me te whakaatu anō i ngā tau katoa ki ia hauwhātanga o te rangi, tae atu ki te tau 57. 3e (Te Taurira me te Pānga) → Ka tīmata ki te tuhi tūtohi, ā, ka kitea atu te tauira. 4a (Te Taurira me te Pānga) → <table><tr><th>Hauwhātanga</th><th>1</th><th>2</th><th>3</th><th>4</th></tr><tr><td>Ngā tau</td><td>0-2 8-10 16-18 ...</td><td>2-4 10-12 18-20 ...</td><td>4-6 12-14 20-22 ...</td><td>6-8 14-16 22-24 ...</td></tr></table> Ka whakamahia te rautaki taurangi $8x + 1 = 57$. Arā, i te tau tuatahi, kei te hauwhātanga tuatahi te aorangi 'E', me ia tau tuawaru i muri i tērā. 4e (Te Taurira me te Pānga) →	Hauwhātanga	1	2	3	4	Ngā tau	0-2 8-10 16-18 ...	2-4 10-12 18-20 ...	4-6 12-14 20-22 ...	6-8 14-16 22-24 ...
Hauwhātanga	1	2	3	4							
Ngā tau	0-2 8-10 16-18 ...	2-4 10-12 18-20 ...	4-6 12-14 20-22 ...	6-8 14-16 22-24 ...							
5. E hia ngā tau kia torofika anō ai te rārangi mai o ngā aorangi e toru nei?	Ka tuhia tētahi tūtohi, hei whakaatu i ngā tau e hoki mai ai ia aorangi ki te wāhi e whakaaturia ana, ā, ka kitea ko te tau 24 e pātahi ana ki ia aorangi. 4a (Te Taurira me te Pānga) → <table><tr><th>Aorangi</th><th>A</th><th>E</th><th>I</th></tr><tr><td>Ngā tau</td><td>3, 6, 9, 12, 15, 18, 24, 27 ...</td><td>6, 12, 18, 24 ...</td><td>8, 16, 24 ...</td></tr></table> Ka whiriwhiria te taurea pātahi o te 3, te 6 me te 8. 4e (Te Taurira me te Pānga) →	Aorangi	A	E	I	Ngā tau	3, 6, 9, 12, 15, 18, 24 , 27 ...	6, 12, 18, 24 ...	8, 16, 24 ...		
Aorangi	A	E	I								
Ngā tau	3, 6, 9, 12, 15, 18, 24 , 27 ...	6, 12, 18, 24 ...	8, 16, 24 ...								
6. Mēnā e 3 tau, e 6 tau, me te 10 tau ngā amiotanga, e hia ngā tau kia torofika anō ai te rārangi mai o ngā aorangi e toru nei?	Ka tuhia tētahi tūtohi, hei whakaatu i ngā tau e hoki mai ai ia aorangi ki te wāhi e whakaaturia ana, ā, ka kitea ko te tau 30 e pātahi ana ki ia aorangi. 4a (Te Taurira me te Pānga) → Ka whiriwhiria te taurea pātahi o te 3, te 6 me te 10. 4e (Te Taurira me te Pānga) →										

Te Whārangi Aromatawai mā te Pouako

He Aorangi: Taumata 3–4

Te pātai	Ngā aromatawai a te pouako
1. Kei te tika, kei te hē rānei tēnei kōrero? I te paunga o te 7 tau, kua hoki mai te aorangi 'A' ki te wāhi e whakaaturia ana i te pikitia.	
2. Kei te tika, kei te hē rānei tēnei kōrero? I te paunga o te 132 tau, kua hoki mai te aorangi 'E' ki te wāhi e whakaaturia ana i te pikitia.	
3. Kei tēhea hauwhātanga o te rangi te aorangi 'A' i te paunga o te 2 tau?	
4. Kei te tika, kei te hē rānei tēnei kōrero? I te paunga o te 57 tau, kei te hauwhātanga tuatahi te aorangi 'I'.	
5. E hia ngā tau kia torotika anō ai te rārangi mai o ngā aorangi e toru nei?	
6. Mēnā e 3 tau, e 6 tau, me te 10 tau ngā amiotanga, e hia ngā tau kia torotika anō ai te rārangi mai o ngā aorangi e toru nei?	